

Bosna i Hercegovina
Federacija Bosne i Hercegovine
**SKUPŠTINA KANTONA
SARAJEVO**



Босна и Херцеговина
Федерација Босне и Херцеговине
**СКУПШТИНА КАНТОНА
САРАЈЕВО**

Bosnia and Herzegovina
Federation of Bosnia and Herzegovina
**CANTON SARAJEVO
ASSEMBLY**

Nezavisni odbor
Broj:01-04-556-42/21
Sarajevo, 24.08.2021. godine

SKUPŠTINA KANTONA SARAJEVO

O V D J E

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period april-juni 2021. godine - dostavlja se

Nezavisni odbor na sjednici održanoj dana 24.08.2021. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period april-juni 2021. godine, a u skladu s članom 45. st.5. Zakona o unutrašnjim poslovima Kantona Sarajevo ("Službene novine Kantona Sarajevo" br.:1/16, 26/19, 31/19 i 39/20), isti dostavlja Skupštini Kantona Sarajevo, informativno.

PREDSJEDNIK

Miroslav Kružik, s.r.



web: <http://skupstina.ks.gov.ba>
e-mail: skupstina@skupstina.ks.gov.ba
Tel: + 387 (0) 33 562-044,
Fax: + 387 (0) 33 562-210
Sarajevo, Reisa Džemaludina Čauševića 1



Na osnovu odredaba člana 45. stav (5) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19, 31/19 i 39/20) i člana 8. tačka 9) Poslovnika o radu Nezavisnog odbora ("Službene novine Kantona Sarajevo", br. 23/16, 39/19 i 48/20), Nezavisni odbor Skupštini Kantona Sarajevo dostavlja:

I Z V J E Š T A J

o radu policijskog komesara Uprave policije Ministarstva unutrašnjih poslova Kantona Sarajevo za vremenski period april – juni 2021. godine

Putem podnesenog izvještaja od policijskog komesara Uprave policije Ministarstva unutrašnjih poslova Kantona Sarajevo (u daljnjem tekstu: Uprava policije), Nezavisni odbor Skupštine Kantona Sarajevo je obaviješten da je isti tokom vremenskog perioda **april – juni 2021. godine**, preduzimao sljedeće mjere i radnje:

- a) Predstavljao Upravu policije neposrednim učešćem i radnim angažmanom na različitim sastancima policijskih agencija, tužilaštva i drugih institucija, usmenom i elektronskom komunikacijom sa vladinim i nevladinim organizacijama, medijima i to kako slijedi:
 - 16.04.2021. godine, u prostorijama J.U. Zavod za zdravstvenu zaštitu zaposlenika Ministarstva unutrašnjih poslova Kantona Sarajevo, održao je sastanak sa direktorom J.U. Zavod za zdravstvenu zaštitu zaposlenika Ministarstva unutrašnjih poslova Kantona Sarajevo, mr.sci.dr. Anesom Talovićem,
 - 20.04.2021. godine u prostorijama Ministarstva unutrašnjih poslova Kantona Sarajevo, održao je sastanak sa predstavnicima ambasade SAD-a u Sarajevu,
 - 20.04.2021. godine prisustvovao je sjednici Nezavisnog odbora,
 - 21.04.2021. godine prisustvovao je sjednici Komisije za sigurnost Skupštine Kantona Sarajevo,
 - 22.04.2021. godine u prostorijama Ministarstva unutrašnjih poslova Kantona Sarajevo održao je sastanak na kojem je tema bila prezentacija vozila za specijalne namjene,
 - 29.04.2021. godine prisustvovao je Upravnom odboru Sindikata policije Kantona Sarajevo,
 - 12.05.2021. godine u prostorijama Ministarstva unutrašnjih poslova Kantona Sarajevo održao je uži kolegij Uprave policije Ministarstva unutrašnjih poslova Kantona Sarajevo,
 - 19.05.2021. godine u prostorijama Ministarstva unutrašnjih poslova Kantona Sarajevo održao je uži kolegij Uprave policije Ministarstva unutrašnjih poslova Kantona Sarajevo,
 - 08.06.2021. godine prisustvovao je sjednici Nezavisnog odbora.
- Napominje da se od 22.03.2021. do 13.04.2021. godine nalazio na bolovanju usljed zaraze virusom COVID 19.
- b) Sve mjere i radnje preduzimao je uvažavajući prioritete date od strane Vlade Kantona Sarajevo i Komisije za sigurnost Skupštine Kantona Sarajevo, te smatra da je ostvario odličnu saradnju sa ministrom, Admirom Katicom.

- c) Tokom izvještajnog perioda, prema navodima iz dostavljenog izvještaja, ažurno, prema planiranoj i datoj dinamici u oblasti upravnog rješavanja, donosio je odluke (rješenja i dr.) koje se odnose na rješavanje radno-pravnog statusa uposlenika.

Posebne aktivnosti u toku izvještajnog perioda preduzimaio je s ciljem postupanja po presudi Kantonalnog suda u Sarajevu broj: 65 0Rs 361381 19 Rsž 5 od 02.11.2020. godine i presudi Općinskog suda u Sarajevu broj: 65 0 Rs 361381 13 Rs od 15.09.2015. godine.

Nakon što je ministar unutrašnjih poslova Kantona Sarajevo dostavio prijedlog članova Radne grupe iz Ministarstva, u istu je imenovao članove ispred Uprave policije. Radna grupa koja je imala zadatak da sačini plan aktivnosti u vezi postupanja po presudama s ciljem iznalaženja modaliteta postupanja po istim je formirana dana 15.04.2021. godine.

Dana 30.04.2021. godine, Upravi policije Ministarstva unutrašnjih poslova Kantona od strane Pravobranilašta Kantona Sarajevo na izjašnjenje, dostavljen je podnesak Kurtović Salema naslovljen kao Zahtjev za miješanje u parnicu. Ispred Uprave policije, Pravobranilaštvu je dostavio akt i u istom naveo da se Uprava policije ne protivi i ne osporava Kurtović Salemu da sudjeluje u parnici u svojstvu umješača, ukoliko Pravobranilaštvo Kantona Sarajevo kao zakonski zastupnik ovog organa, isto cijeni opravdanim. Osim toga u aktu je navedeno da Uprava policije ne izbjegava izvršavanje pravomoćne presude, te da je u cilju zakonitog postupanja po navedenoj presudi, a zbog nejasno određene presude u dijelu obima pravnih posljedica koje se poništavaju, kao i činjenice da je postupak po tužbi trajao skoro 8 godina, u više navrata tražila stručnu pomoć od izvršne i sudske vlasti, ali je ista izostala. Aktom Pravobranilaštva Kantona Sarajevo br. P 5/21 od 21.06.2021. godine, dostavljeno je Rješenje Općinskog suda u Sarajevu br. 65 0 Rs 889223 21 Mo od 15.06.2021. godine kojim se prihvata prijedlog Kurtović Salema za stupanje u parnicu u svojstvu umješača na strani protivnika osiguranja Kanton Sarajevo - Vlada Kantona Sarajevo, Ministarstvo unutrašnjih poslova Kantona Sarajevo, kao i žalba Kurtović Salema izjavljena na Rješenje Općinskog suda u Sarajevu br. 65 0 Rs 889223 21 Mo od 25.03.2021. godine, na koju će u ostavljenom roku biti dostavljeno očitovanje.

Dana 19.05.2021. godine, Uprava policije MUP-a Kantona Sarajevo je aktom Pravobranilaštva Kantona Sarajevo informisana da je u postupku po podnesenoj reviziji u pravnoj stvari tužitelja Kurtović Salema protiv tuženih 1. Kanton Sarajevo - Vlada Kantona Sarajevo, Ministarstvo unutrašnjih poslova i 2. Kanton Sarajevo - Vlada Kantona Sarajevo, Vrhovni sud Federacije BiH rješenjem br. 65 0 Rs 361381 21 Rev od 29.04.2021. godine odbacio reviziju tuženih kao nedopuštenu, ozbirom da vrijednost pobijanog djela pravomoćne presude ne prelazi iznos od 10.000,00 KM, te da prema ocjeni ovog suda odlučivanje po reviziji ne bi bilo od značaja za primjenu prava u drugim slučajevima. Shodno navedenoj informaciji, a obzirom da su iscrpljeni pravni lijekovi mogući po zakonu, ispred Uprave policije od Pravobranilaštva Kantona Sarajeva zatražio je ulaganje apelacije Ustavnom sudu BiH na presudu Kantonalnog suda u Sarajevu br. 65 0 Rs 361381 19 Rsž 5 od 02.11.2020. godine.

Nakon što je Radna grupa Uprave policije MUP-a Kantona Sarajevo za sačinjavanje plana aktivnosti vezano za postupanje po presudi br. 65 0 Rs 361381 13 Rs od 15.09.2015. godine okončala aktivnosti i dostavila izvještaj sa prijedlozima daljih postupanja, predloženo je formiranje Komisije za unapređenje u skladu sa Zakonom o policijskim službenicima Kantona Sarajevo („Sl. novine Kantona Sarajevo”, br. 25/06 i 4/08) i Pravilnikom o proceduri za unapređenje policijskih službenika br. 01-786/1 od

07.10.2010. godine čiji bi zadatak bio da provede presudu Općinskog suda u Sarajevu u dijelu u kojem je naloženo da se ponovi postupak unapređenja u čin inspektor po internom oglasu br. 02/PK-1-672/12 od 08.06.2012. godine. U odnosu na sastav Komisije, a imajući u vidu da dva člana ne mogu učestvovati u radu iste iz objektivnih razloga (prelazak u drugi organ uprave i prestanak radnog odnosa zbog odlaska u penziju), predloženo je formiranje komisije sa članovima koji nisu učestvovali u ranijoj proceduri, odnosno ukoliko postoje zamjenski članovi Komisije koja je provodila proceduru, da isti provedu proceduru ukoliko je to moguće.

Postupajući u skladu sa prijedlogom Radne grupe Uprave policije MUP-a Kantona Sarajevo za sačinjavanje plana aktivnosti vezano za postupanje po presudi br. 65 0 Rs 361381 13 Rs od 15.09.2015. godine, rješenjem Uprave policije MUP-a Kantona Sarajevo br. 02/5-1-30-1-3411 od 16.06.2021. godine i Zaključkom o ispravci greške br. 02/5-1-30-1-3411-1 od 18.06.2021. godine, imenovano je Komisiju za ponavljanje postupka unapređenja policijskih službenika u čin „inspektor“ po Internom oglasu br. 02/PK-672/12 od 08.06.2012. godine, a koja ima obavezu da u skladu sa Presudom Kantonalnog suda u Sarajevu br. 65 0 Rs 361381 19 Rsž 5 od 02.11.2020. godine i Presudom Općinskog suda u Sarajevu broj: 65 0 Rs 361381 13 Rs od 15.09.2015. godine, ponovi postupak unapređenja u čin „inspektor“ po Internom oglasu od 08.06.2012. godine.

Napomenuo je da prema raspoloživim podacima pred nadležnim Općinskim sudom u Sarajevu do danas, nije pokrenut izvršni postupak u ovoj pravnoj stvari.

U dijelu ostalih aktivnosti u oblasti pravnih i kadrovskih poslova, u izvještajnom periodu april – juni 2021. godine, naložio je nastavljjanje kontinuiranih provođenja aktivnosti na ažuriranju staža osiguranja za sve zaposlenike Uprave policije Ministarstva unutrašnjih poslova Kantona Sarajevo, sa posebnim akcentom na zaposlenike koji bi tokom 2021., 2022. i 2023. godine trebali ispuniti uslov za penzionisanje, te je s tim u vezi vršio pismenu korespondenciju sa FZPIO, Fondom PIO RS-a i uposlenicima Uprave policije.

Na osnovu njegove Odluke o popuni radnih mjesta, ispred Uprave policije donio je rješenje, kojim je formirao Komisija za izbor, čiji je zadatak da poduzme aktivnosti i sprovede Javni konkurs za popunu radnih mjesta policijskih službenika u početnom činu “policajac”, a ista je u izvještajnom periodu intenzivno provodila navedene aktivnosti.

U skladu sa Odlukom o registru imenovanih lica u Kantonu Sarajevo i Odlukom o registru zaposlenih lica u Kantonu Sarajevo, naložio je redovno i kontinuirano ažuriranje podataka u navedene Registre, a sve u saradnji sa Uredom za borbu protiv korupcije i upravljanje kvalitetom Kantona Sarajevo.

Nakon izvršenih izmjena i dopuna modula Kadrovskih evidencija za sve zaposlenike Uprave policije Ministarstva unutrašnjih poslova Kantona Sarajevo (elektronska baza podataka), naložio je da se nastavi sa aktivnostima na skeniranju dokumentacije koja se nalazi u personalnom dosjeu i njenom unosu u elektronsku evidenciju.

U izvještajnom periodu vršio je analizu propisa, podzakonskih akata, uputstava i instrukcija, pripremao inicijative za izmjene i dopune istih, te pri tome sačinio:

- Prijedlog Uredbe o sadržaju, izgledu, dodjeli i oduzimanju činova policijskih službenika Uprave policije Ministarstva unutrašnjih poslova Kantona Sarajevo, kao i
- Prijedlog Pravilnika o sadržaju, načinu i rasporedu testiranja i sistemu bodovanja u procesu odabira policijskih službenika Uprave policije Ministarstva unutrašnjih poslova Kantona Sarajevo, koji su nakon okončane procedure objavljeni u Službenim novinama Kantona Sarajevo broj 18/21.

Osim ovih podzakonskih propisa, u izvještajnom periodu je nakon izvršene analize važećeg propisa, ministru unutrašnjih poslova Kantona Sarajevo dostavio Prijedlog Pravilnika o izmjenama Pravilnika o postupku izbora i zapošljavanja policijskih službenika iz drugih policijskih organa u Bosni i Hercegovini u Upravu policije Ministarstva unutrašnjih poslova Kantona Sarajevo, kao i informaciju o izvršenoj analizi podzakonskog propisa, Policijskog etičkog kodeksa, obzirom da isti ne zahtijeva bilo koje izmjene.

d) U izvještajnom periodu, pored prioriteta određenih od strane Vlade Kantona Sarajevo i planskih prioriteta Uprave policije koji se odnose na efikasne preventivne mjere i radnje (pozorno-patrolna djelatnost, rad policije u zajednici, kampanje i sl.), te kvalitetne operativne aktivnosti usmjerene na rasvjetljavanje najtežih i najsloženijih krivičnih djela, nastavio je na provođenju normativnih aktivnosti za koje je ovlašten u dva oblika: donošenje propisa po osnovu izričite zakonske odredbe ili dostavljanje ministru nacrtu i prijedloga propisa ili izmjena i dopuna propisa iz djelokruga rada Uprave policije (član 23. stav (3), tačka d) Zakona).

Normativne aktivnosti koje su u nadležnosti policijskog komesara i Uprave policije u izvještajnom periodu su i dalje bile determinirane nizom drugih aktivnosti koje je provodila Uprava policije usljed pandemije izazvane virusom COVID 19, kao i migrantskom krizom, odnosno boravkom većeg broja migranata na području Kantona Sarajevo, što je pred Upravu policije postavljalo svakodnevne izazove, tako što je pored velikog obima redovnih poslova i zadataka zahtijevalo i dodatno angažovanje u pogledu vršenja kontrole i provođenja naredbi, odluka, zaključaka i preporuka nadležnih organa.

e) U izvještajnom periodu april – juni 2021. godine, blagovremeno i zakonito je odlučivao o svim pravima, obavezama i odgovornostima iz radnih odnosa policijskih službenika, državnih službenika i namještenika, a statistički konkretni podaci prezentirani su u okviru tačke c) ovog izvještaja. Svakodnevno je vršio raspored poslova na organizacione jedinice Uprave policije, te kontrolu svih akata koji se upućuju na potpis policijskom komesaru, a shodno djelokrugu rada Uprave policije.

f) Nakon zakonito provedenih internih postupaka donio je jedno rješenje o izricanju disciplinske sankcije za lakšu povredu službene dužnosti.

- d) U skladu sa svojim ovlastima, analizirao je potrebe Uprave policije za uposlenicima, te je u tom smislu intenzivirao aktivnosti na donošenju provedbenog propisa kojim se reguliše oblast zapošljavanja policijskih službenika, shodno Zakonu o policijskim službenicima, u početne činove (policajac i mlađi inspektor). Također, intenzivirao je aktivnosti na

sačinjavanju prijedloga Pravilnika o sadržaju, načinu i rasporedu testiranja i sistema bodovanja kandidata u procesu odabira policijskih službenika u upravu policije Ministarstva unutrašnjih poslova Kantona Sarajevo, kao i aktivnosti na sačinjavanju prijedloga Uredbe o sadržaju, izgledu, dodjeli i oduzimanju činova policijskih službenika u upravi policije Ministarstva unutrašnjih poslova Kantona Sarajevo. U cilju sačinjavanja što kvalitetnijeg prijedloga gore pomenutog Pravilnika, naložio je da se ostvari komunikacija sa predstavnicima Ministarstva za boračka pitanja Kantona Sarajevo u pogledu implementiranja odredbi Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, gradu Sarajevo i općinama u Kantonu Sarajevo. Nadalje, naložio je da se ostvari komunikacija sa predstavnicima FASTO u pogledu koncipiranja vrsta disciplina i normi, koje će se primjenjivati za provođenje testa fizičke sposobnosti kandidata u okviru konkursne procedure za zapošljavanje policijskih službenika.

- e) U dijelu koji se odnosi na donošenje rješenja, i u dijelu koji se odnosi na normativne aktivnosti, kao i kod prethodne tačke, prezentirao je konkretne podatke o formiranju stručnih komisija i radnih tijela, a čija aktivnost je neophodna za realizaciju niza poslova i zadataka iz nadležnosti Uprave policije.
- f) Neposredno, kao i putem nadležnih organizacionih jedinica Uprave policije, pratio je realizaciju Plana i programa stručnog usavršavanja policijskih službenika Ministarstva unutrašnjih poslova Kantona Sarajevo za 2021. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika Uprave policije za 2021. godinu.

g) i h) Imajući u vidu odredbe Zakona o unutrašnjim poslovima Kantona Sarajevo prema kojima policijski komesar odlučuje o korištenju sredstava i vrši nabavku opreme i materijalno-tehničkih sredstava u skladu sa namjenom odobrenih sredstava na budžetskoj poziciji Uprave policije, te da shodno odredbama Zakona o javnim nabavkama, Uprava policije Ministarstva unutrašnjih poslova Kantona Sarajevo, kao ugovorni organ, pokreće postupak javne nabavke donošenjem odluke o pokretanju postupka javne nabavke, u izvještajnom periodu, shodno usvojenom budžetu, u dijelu koji se odnosi na upravu policije, preduzimao je potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije Ministarstva unutrašnjih poslova Kantona Sarajevo. Naglasio je da zbog sprečavanja širenja pandemije korona virusom COVID-19, te naredbi, odluka i obavezujućih preporuka Kriznog štaba Ministarstva zdravstva Vlade Federacije Bosne i Hercegovine na sprječavanje širenja infekcije ovim virusom na području Federacije BiH, kao i odluka Kriznog štaba Ministarstva zdravstva Vlade Kantona Sarajevo, u navedenom izvještajnom periodu veliki broj planiranih aktivnosti, koje su trebale biti organizovane od strane Uprave policije ali i subjekata izvan Uprave policije, su odgođene do daljnjeg.

j) U dijelu koji se odnosi na donošenje rješenja i u dijelu koji se odnosi na normativne aktivnosti, kao i kod prethodne tačke, naveo je konkretne podatke o formiranju stručnih komisija i radnih tijela, a čija aktivnost je neophodna za realizaciju niza poslova i zadataka iz nadležnosti Uprave policije.

k) Neposredno, kao i putem nadležnih organizacionih jedinica Uprave policije, pratio je realizaciju Plana i programa stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2021. godinu, kao i Plana i programa stručnog osposobljavanja, usavršavanja i obrazovanja državnih službenika i namještenika Uprave policije za 2021. godinu.

Na osnovu planiranih aktivnosti kroz Plan i program stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2021. godinu, broj 02/1-2-7/21 od 15.01.2021. godine i Izmjene i dopune Plana i programa stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2021. godinu, broj 02/1-2-38/21 od 22.02.2021. godine, dao je saglasnost za provođenje programa internog i eksternog stručnog usavršavanja policijskih službenika putem kojih je u periodu od 01.04. do 30.06.2021. godine prošlo ukupno 1111 policijskih službenika i to:

1. kroz program internog stručnog usavršavanja 755 policijska službenika i
2. kroz program eksternog stručnog usavršavanja 356 policijska službenika.

Kada je u pitanju realizacija planskih i programskih aktivnosti nadležnoj organizacionoj jedinici Uprave policije u koordinaciji sa drugim organizacionim jedinicama, naložio je sačinjavanje posebnih Planova i programa internih specijalističkih obuka za 2021. godinu i to:

1. Plan i program specijalističke obuke na temu istraživanje krivičnih djela počinjenih iz mržnje, prevencija i suzbijanje slučajeva nasilja u porodici i zaštita od nasilja u porodici i
2. Plan i program aktivnosti Prve i Druge faze Plana i programa terenske obuke za policijske službenike Sektora za policijsku podršku, kao i policijske službenike pripadnike Vodova za sprečavanje narušavanja JRiM-a u većem obimu za 2021. godinu.

Osim navedenih obuka stručnog usavršavanja, nadležnom odjeljenju naložio je sačinjavanje i samostalnu realizaciju online internih specijalističkih obuka na teme:

3. "Sprečavanje mučenja i nečovječnog postupanja ili ponižavajućeg postupanja ili kažnjavanja prema osobama lišenim slobode" i
4. „Profesionalne tehnike ispitivanja za policijske službenike, a posebno istražitelje Odjeljenja kriminalističke policije, sa akcentom na moderne, naučne metode krivične istrage“,

Ove online obuke održane su putem Cisco Webex platforme, za koju je obezbjedio profesionalnu licencu za pristup, čime je obezbjeđena i mogućnost korištenja informatičkog sistema za učenje online na daljinu, tako da će se moduli stručnog usavršavanja policijskih službenika kroz organizaciju i realizaciju online internih specijalističkih obuka, u skladu sa trenutnim i budućim epidemiološkim mjerama, moći izvoditi kroz tzv. Distance Learning Education odnosno učenje na daljinu za sve policijske službenike Uprave policije Ministarstva unutrašnjih poslova Kantona Sarajevo.

Osim internog, nalagao je organizaciju i realizaciju programa eksternog stručnog usavršavanja sa subjektima izvan Uprave policije, kada su u pitanju nominacije policijskih službenika koji će učestvovati u specijalističkim obukama kroz program eksternog stručnog usavršavanja.

S tim u vezi naložio je učešće policijskih službenika u realizaciji sljedećih obuka sa temama:

- Na osnovu Protokola o saradnji između Kantonalnog tužilaštva Kantona Sarajevo i Uprave policije Ministarstva unutrašnjih poslova Kantona Sarajevo, broj 02-92/20 od 18.12.2020. godine, specijalističku obuku sa 7 tužilaca/edukatora Kantonalnog tužilaštva Kantona Sarajevo, koja se održala online putem Cisco Webex platforme za I i II grupu učesnika, tokom koje su se obradile teme:
 - „Pretres stana, drugih prostorija, pokretnih stvari i lica i Krivično-procesne greške prilikom preduzimanja radnje dokazivanja“ privremeno oduzimanje predmeta“,
 - „Uviđaj i rekonstrukcija“,
 - „Tjelesni pregled i druge radnje“,
 - „Primjena posebnih istražnih radnji, Provođenje posebnih istražnih radnji u predmetima privrednog kriminala i korupcije, Provođenje PIR-i u predmetima zloupotrebe opojnih droga i krivičnih djela koja se dovode u vezu sa istim“ i
 - „Trgovina ljudima sa posebnim osvrtom na postupanje sa žrtvama trgovine-djecom“.
- Na osnovu poziva Federalnog ministarstva unutrašnjih poslova za učešće rukovodioca organizacionih jedinica koje postupaju po predmetima nasilja u porodici i nasilja nad ženama Uprave policije u prezentaciji dosadašnjih rezultata projekta UN WOMEN “Pružanje tehničke podrške Federalnom ministarstvu unutrašnjih poslova u osiguranju kvalitetnog i standardiziranog odgovora na slučajeve nasilja u porodici i nasilja nad ženama u Federaciji Bosne i Hercegovine“ i “Konsultacijama o daljim koracima”, specijalističke obuke na temu:
 - “Postupanje policijskih službenika po prijavama nasilja u porodici i provođenje zaštitnih mjera”,
 - “Postupanje policijskih službenika u otkrivanju i gonjenju počinitelaca krivičnih djela nasilja u porodici”, koja se izvodila od 14.12. do 16.12.2020. godine.
- Provođenjem aktivnosti iz Akcionog plana za borbu protiv trgovine ljudima na području Kantona Sarajevo, u organizaciji GIZ-a u okviru projekta Podizanje kapaciteta za identifikaciju, održan je regionalni trening na temu Razvoj kapaciteta za suzbijanje trgovine ljudima tokom COVID-19 i sličnih kriza za kontakt tačke u organizacionim jedinicama Uprave policije, koje će raditi po problematici trgovine ljudima i provođenje aktivnosti iz Akcionog plana.
- Video konferencija predstavnika Jedinica za suzbijanje krijumčarenja i trgovine ljudima u organizaciji Evropskog centra za suzbijanje krijumčarenja ljudima kojom prilikom su prezentacije o problematici krijumčarenja ilegalnih migranata i trgovina ljudima održali: Robert Crepinko, Direktor Evropskog centra za suzbijanje krijumčarenja ljudima, Jean Pfilipe Lecouffe, zamjenik izvršnog direktora operativnog ureda, Ilias Litras, predstavnik Grčke, Petra Bakker, predstavnica SR Njemačke, Tomas Basiouhas, predstavnik EMPACT-a, Matt Peterson, predstavnik SAD-a, Bella Vonnak, predstavnik FRONTEX-a, te predstavnici Poljske, Francuske Španije i Austrije.
- Online seminar na temu „Komunikacija u kriznim situacijama”, namijenjen za glasnogovornike/službenike za odnose s javnošću, za glavne tužioce i predsjedniike sudova u pratnerskim tužilaštvima i sudovima, te za članove Udruženja glasnogovornika tužilaštava u BiH u sklopu implmentacije projekta Pravosuđe protiv korupcije u BiH.
- Obuka trening za trenere o Standardnim Operativnim Procedurama za postupanje pri pronalasku nelegalnog malog oružja i lakog naoružanja (SALW) koje su policijske agencije

razvile u okviru svojih nadležnosti, kao i obuku za korištenje specijalnog uređaja endoskopa/videskopa za pronalazak skrivenog nelegalnog malog oružja i lakog naoružanja.

U izvještajnom periodu dao je saglasnost za učešće policijskih službenika Uprave policije, u aktivnostima održanih različitih modula i aktivnosti u organizaciji subjekata izvan Uprave policije, a čije se učešće i rad u takvim modulima smatra realizacijom programa eskternog stručnog usavršavanja, pa je u tim aktivnostima učešće policijskih službenika provedeno na slijedeće načine:

- Takmičenje u streljaštvu za policijske službenike iz policijskih agencija sa prostora Federacije Bosne i Hercegovine i Distrikta Brčko, koje se održalo na strelištu u krugu "Centra za obuku policijskih kadrova Mahir Begić" u Suhodolu, općina Hadžići, u sklopu obilježavanja godišnjice napada na Srednju policijsku školu 1992. godine i sjećanja na pogibiju šesnaestogodišnjeg učenika Samira Mišića, posthumno odlikovanog Zlatnom policijskom značkom.
- Rezidentni program obuke za 2021. godinu na temu "Seminar on Regional Security (SRS-12)".
- Internetski događaj o podizanju svijesti i izgradnji efikasne komunikacije između policijskih agencija i Jevrejske zajednice u BiH.
- Predstavljanje početka rada i djelovanja Udruženja žrtava nasilja Hajr za BiH, koje je udruženje žrtava nasilja, s naglaskom na nasilje u porodici, kojem je cilj pomoći aktivnim angažmanom i radom sa žrtvama nasilja u porodici koje su imali takvo iskustvo.
- Online Regionalna konferencija, koja je održana u okviru DCAF projekta "Regionalna saradnja u oblasti izgradnje integriteta na Zapadnom Balkanu (PCIB)".
- Implementacija obuka za organizacije civilnog društva sa ciljem predstavljanja Minimalnih standarda za pružanje podrške žrtvama trgovine ljudima, posebno djeci u BiH, jačanje kapaciteta za identifikaciju i pružanje pomoći potencijalnim i identificiranim žrtvama te predstavljanje razvijenog Statističkog portala o kapacitetima i kapacitiranosti profesionalaca uključenih u državni referalni mehanizam za žrtve trgovine ljudima u BiH.
- Seminar "Krivično pravni aspekti govora mržnje".
- Radionica na temu: "Povećanje efikasnosti policije - prevencija i upravljanje stresom" u kojoj su obrađene teme u vezi nošenja i upravljanja stresnim situacijama sa kojim se svakodnevno suočavaju policijski službenici/ce prilikom obavljanja službenih poslova i zadataka, kao i u vezi profesionalnog sagorijevanja (sindrom burnout) koju je vodio prof.dr. Dženan Skelić (profesor psihologije na Filozofskom fakultetu u Zenici).
- Poziv za inicijalni sastanak Ministarske konferencije za ostala pitanja u sistemu koordinacije procesa evropskih integracija u BiH u organizaciji Ministarstva vanjskih poslova BiH.
- Eksterno stručno usavršavanje izvan Uprave policije, koje se u provodi u organizaciji Save the Children organizuje dvodnevni trening trenera u okviru Programa obuke za unapređenje psihosocijalnih vještina u očuvanju mentalnog zdravlja i brige o sebi policijskih pripadnika, a u sklopu implementacije projekta "Prevencija i rad na sprječavanju seksualnog

iskorištavanja i zlostavljanja djece u digitalnom okruženju u Bosni i Hercegovini”, čiji je cilj da se kroz interaktivnu obuku unaprijede vještine upravljanja stresom u cilju očuvanja mentalnog zdravlja.

- Seminar "Istraga i presuđivanje slučajeva koji uključuju strane terorističke borce u Jugoistočnoj Evropi".
- Okrugli stol na temu ljudskih prava LGBTI osoba - “Pravna zaštita LGBTI osoba: između antidiskriminacionih i krivičnih zakona i prakse”.
- Radionica o unapređenju saradnje između tužilaštava i agencija za provođenje zakona i uspostavljanju mehanizama kontrole kvalitete rada i izvještaja u predmetima visokog profila koja će se održati u zajedničkoj organizaciji USAID-ovog projekta “Pravosuđe protiv korupcije u BiH” i Misije OSCE-a u Bosni i Hercegovini.
- Radionica na temu “Oduzeto oružje u sudskim postupcima” u online format.
- Seminar "Edukacija psihologa za podršku sistemu pravde u slučajevima koji uključuju strane terorističke borce u Jugoistočnoj Evropi".
- Virtualna radionica povodom dana UNPOL-a.
- Online obuka o javnim nabavkama organizovana od strane Agencije za javne nabavke BiH.
 - Oduzimanje kriptovalute, trendovi i prakse.
- Online obuke “Međunarodne istrage i operacije krijumčarenje migranata”.
- Online obuka Cyber kriminal.
- Simulacijska vježba za stolom Koordinacija 2021 radi provjere aktiviranja i efikasnosti koordinacije i zaštite i spašavanja sa nivoa institucija i organa BiH, tokom prirodne i druge nesreće, a u skladu sa zadacima Ministarstva sigurnosti BiH definisanim Okvirnim zakonom o zaštiti i spašavanju u BiH, kao i provjera nadležnih tijela entiteta.

j) U skladu sa odredbama Instrukcije o hitnom, tekućem, povremenom i statističkom izvještavanju Uprave policije Ministarstva unutrašnjih poslova Kantona Sarajevo, preduzimao je mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupao se po uspostavljenom sistemu zaštite osobnih podataka, kao i po dostignutom stepenu razvoja sistema zaštite tajnih podataka.

Kontinuirano je nadzirao provođenje aktivnosti iz oblasti zaštite tajnih podataka, u skladu sa odredbama Zakona o zaštiti tajnih podataka („Službeni glasnik BiH“, br. 54/05 i 12/09) i na osnovu istog donesenih provedbenih propisa, odnosno vršenja sigurnosnih provjera uposlenika, donošenja potrebnih rješenja o postojanju/nepostojanju sigurnosnih smetnji, razmjenjivanja službene dokumentacije s nadležnim državnim organima (policijske agencije, sudovi, pravobranilaštvo), te ažuriranja posebnog dijela personalnih dosijea u vezi sa sigurnosnim provjerama.

U cilju ispunjenja svih propisanih mjera i standarda za uspostavu sigurnosnog područja u objektu Ministarstva unutrašnjih poslova Kantona Sarajevo u sjedištu, a na zahtjev i uz preporuku Sektora za

zaštitu tajnih podataka u Ministarstvu sigurnosti BiH, u toku izvještajnog perioda ministru unutrašnjih poslova Kantona Sarajevo dostavio je na nadležno donošenje Odluku o imenovanju sigurnosnog i opšteg administratora IKT sistema za obradu, pohranu i prijenos tajnih podataka u elektronskoj formi u Ministarstvu unutrašnjih poslova Kantona Sarajevo i Upravi policije.

Naložio je izradu dokumenta pod nazivom „Sigurnosne operativne procedure IKT sistema za obradu i pohranu tajnih podataka u elektronskoj formi, na čiju je radnu verziju Sektor za zaštitu tajnih podataka u Ministarstvu sigurnosti BiH dao svoju saglasnost. Nakon usaglašavanja cijelog teksta, ministru unutrašnjih poslova Kantona Sarajevo na nadležno donošenje dostavio je dokument pod nazivom „Sigurnosne operativne procedure IKT sistema za obradu i pohranu tajnih podataka“. Osim navedenog, prema Kabinetu ministra unutrašnjih poslova Kantona Sarajevo uputio je akt koji se odnosi na nabavku neophodne telekomunikacijske opreme za sigurnosno područje. Također je ministru unutrašnjih poslova Kantona Sarajevo, dostavio informaciju o dogovorenim aktivnostima u vezi planiranja i organizovanja nadzorne posjete na ocjeni ispunjena minimuma neophodni uslova za uspostavu sigurnosnog i administrativnog područja u objektu Ministarstva u sjedištu.

Nakon što su šest bivših policijskih službenika, kojima je prestao radni odnos u Upravi policije po osnovu donošenja konačne odluke nadležnog organa o postojanju sigurnosnih smetnji, podnijeli zahtjev za obnovu postupka po osnovu člana 246. stav (1) tačka 1. Zakona o upravnom postupku („Sl. novine Federacije BiH“ br. 2/98 i 48/99), iste je dostavio Komisiji za rješavanje žalbi u postupku sigurnosnog provjeravanja Vijeća ministara BiH, čija su rješenja konačna. Komisiji za rješavanje žalbi u postupku sigurnosnog provjeravanja Vijeće ministara BiH, dostavljena je žalba i spis predmeta na nadležno odlučivanje za jednog policijskog službenika, kao i dokazi o uručenju zaključaka za dva policijska službenika Uprave policije Ministarstva unutrašnjih poslova Kantona Sarajevo, te je sačinjena urgencija po pitanju uložene žalbe na rješenje o utvrđivanju postojanja sigurnosne smetnje za jednog uposlenika Uprave policije, kao i izjašnjenje na navode žalbe koje je prosleđeno navedenoj komisiji.

U vezi sa podnesenim prijedlozima za obnovu postupka, nakon što je Komisija za rješavanje žalbi u postupku sigurnosnog provjeravanja Vijeće ministara BiH, dostavila svoje zaključke Upravi policije za dva lica, isti su dana 25.05.2021. godine uz propratni akt ispred Uprave policije, dostavljeni advokatima koji iste zastupaju.

Kantonalnom tužilaštvu Kantona Sarajevo i Općinskom sudu u Sarajevo uputio je dopise kojim su zatražene informacije o statusu i ishodu predmeta kod nadležnih pravosudnih organa za iste.

Kantonalnom tužilaštvu Kantona Sarajevo, dostavio je informaciju o statusu predmeta za jednog policijskog službenika Uprave policije koji se vodi pred Komisijom za rješavanje žalbi u postupku sigurnosnog provjeravanja Vijeće ministara BiH.

Ministarstvu sigurnosti Bosne i Hercegovine uputio je zahtjev za izdavanje dozvola za pristup tajnim podacima za 17 uposlenika Uprave policije.

U izvještajnom periodu Obavještajno-sigurnosnoj agenciji BiH dostavio je zahtjeve za vršenje proširene sigurnosne provjere za osam uposlenika Uprave policije, dok je Državnoj agenciji za istrage i zaštitu dostavio zahtjeve za vršenje osnovne sigurnosne provjere za dva uposlenika Uprave policije.

Pokrenuo je interni postupak za vršenje sigurnosnih provjera za 10 uposlenika (popunjavanje upitnika).

Ministarstvu sigurnosti BiH prosljedio je obavjest o potvrđivanju optužnice od strane Kantonalnog suda, koje su podnesene protiv 18 policijskih službenika Uprave policije radi prikupljenih dokaza da su isti izvršili više krivičnih djela, te je donio ukupno 17 rješenja o onemogućavanju/zabrani pristupa tajnim podacima za policijske službenike koji su uhapšeni u okviru akcije kodnog naziva „Dar 1“, za koje je Općinski sud u Sarajevu potvrdio optužnice za počinjena krivična djela.

U izvještajnom periodu donio je 12 rješenja o nepostojanju sigurnosnih smetnji za uposlenike Uprave policije, dok je za jednog uposlenika sačinjeno rješenje o onemogućavanju pristupa tajnim podacima.

m) Naložio je nadležnom odjeljenju Uprave policije raspisivanje i obustavljanje centralnih potjernica po naredbi nadležnih sudova, tako da je u izvještajnom periodu raspisano 9, a obustavljeno 18 centralnih potjernica, uz napomenu da su u tom periodu raspisivane i oglašavane i različite potrage operativnog karaktera.

n) Zbog njegove spriječenosti uzrokovane drugim neodložnim obavezama ili okolnostima, na sastanke Koordinacije direktora Federalne uprave policije i policijskih komesara kantonalnih ministarstava unutrašnjih poslova bio je prinuđen upućivati načelnika Sektora za policijsku podršku, kojem je davao odgovarajuće upute za određene prijedloge koji se odnose na unapređenje saradnje između policijskih agencija na rješavanju sigurnosnih izazova i prijetnji (npr. migranti, turisti i sl.).

o) U pojedinim dijelovima ovog izvještaja prezentirane su redovne aktivnosti koje je imao u dijelu koji se odnosi na pripremu programa (npr. u normativnom dijelu), informacija, analiza i drugih materijala iz djelokruga rada Uprave policije, a na zahtjev ministra, Vlade Kantona Sarajevo ili na vlastitu inicijativu.

p) Pod tačkom b) ovog izvještaja konstatovao je da je imao odličnu saradnju sa ministrom, sa kojim je svakodnevno ostvarivao kontakte, informisao ga i izvještavao o ukupnom stanju sigurnosti i o konkretnim događajima, a u skladu sa odredbama posebnog propisa.

r) Nastavljena je dobra saradnja sa elektronskim medijima, dnevnim i sedmičnim listovima u Bosni i Hercegovini i inostranstvu, koji su objavili veći broj vijesti i intervjuja u vezi sa stanjem javnog reda, kriminaliteta i sigurnosti saobraćaja na području Kantona Sarajevo.

MIGRANTI

Poseban segment u njegovm radu predstavlja svakodnevno iniciranje, planiranje i realizacija mjera na preveniranju i zakonskom procesuiranju osoba migrantske populacije koje su na Kantonu Sarajevo vršile protupravne radnje. U vezi sa navedenim naložio je postupanje i koordiniranje aktivnosti po Planu preduzimanja odgovarajućih mjera i radnji iz nadležnosti Službe za poslove sa strancima i Uprave policije na sprečavanju i sankcionisanju svih oblika nezakonitog ponašanja migranata, smještaja i drugih aktivnosti u vezi sa migrantima na području Kantona Sarajevo, kojim su planirane mjere i radnje koje su ove dvije službe zajednički preduzimale u pravcu spriječavanja i saniranja posljedica koje mogu nastupiti po građane Kantona Sarajevo usljed mogućeg povećanog priliva migranata na području Kantona Sarajevo, naročito u kontekstu spriječavanja širenja zaraze prouzrokovane virusom COVID 19, kao i s ciljem preventivnog djelovanja radi smanjenja broja

krivičnih djela izvršenih od strane pripadnika migrantske populacije.

Aktivno je usmjeravao rad Operativnog tima za pitanje migranata u rješavanju problematike po pitanju migranata na području Kantona Sarajevo, tako što je nalagao vršenje kontrole migranata, pri čemu su policijski službenici Uprave policije MUP-a Kantona Sarajevo izvršili kontrolu ukupno 481 migranta od čega je 210 migranata preveženo i smješteno u prihvatne centre "Ušivak" i "Blažuj".

Koordinirao je provođenje mjera po osnovu Operativnog plana Uprave policije broj 02/2-112-3/20 od 27.11.2020. godine, te planova mjesno nadležnih organizacionih jedinica, kojom prilikom su policijski službenici Uprave policije, u saradnji sa službenicima Ministarstva sigurnosti Bosne i Hercegovine, Međunarodne organizacije za migracije (IOM) i nadležnih inspeksijskih uprava, proveli 17 akcija u cilju pronalaska i smještaja migranata u privremene prihvatne centre "Ušivak" i "Blažuj". Tom prilikom pronađeno je i smješteno ukupno 192 migranata.

Nadzirao je i koordinirao aktivnosti na rasvijetljavanju krivičnih djela u kojima su učestvovali migranti, kojom prilikom su policijski službenici Uprave policije lišili slobode 12 migranta od čega je njih 9, uz izvještaj o počinjenom krivičnom djelu, predato u nadležnost Kantonalnog tužilaštva Kantona Sarajevo.

ZNAČAJNIJE I OSTALE AKTIVNOSTI

Kada je u pitanju borba protiv korupcije, a što je i dalje jedan od prioriteta rada Uprave policije, naložio je nastavljjanje aktivnosti na borbi protiv korupcije unutar Ministarstva unutrašnjih poslova Kantona Sarajevo.

Konstantno je nadzirao i animirao rad odjeljenja u Sektoru kriminalističke policije koja su nadležna za rasvijetljavanje najtežih oblika krivičnih djela iz oblasti privrednog kriminala, krvnih i seksualnih delikata, imovinskih delikata i narkomanije, te direktno ili preko načelnika Sektora kriminalističke policije koordinirao njihovim aktivnostima, kojom prilikom je u izvještajnom periodu rasvijetljen veći broj vrlo složenih krivičnih djela i to:

- 2 krivična djela iz člana 166. KZ F BiH, (Ubistvo),
- 4 krivična djela iz člana 166. KZ F BiH (Ubistvo) u vezi sa članom 28. KZ F BiH (pokušaj),
- 2 krivična djela iz člana 172. stav (3) (Teška tjelesna povreda),
- 2 krivična djela iz člana 208. KZ F BiH (Bludne radnje),
- 2 krivična djela iz člana 203. KZ FBIH (Silovanje),
- 2 krivična djela iz člana 210 a KZ F BiH (Trgovina ljudima),
- 1 krivično djelo iz člana 207. KZ F BiH (Spolni odnošaj s djetetom),
- 3 krivična djela iz člana 239. KZ F BiH (Posjedovanje i omogućavanje uživanja opojnih droga),
- 2 krivična djela iz člana 74. ZOONDINOM-a,
- 1 krivično djelo iz člana 204. KZ F BiH (Spolni odnošaj s nemoćnom osobom),
- 1 krivično djelo iz člana 339. KZ F BiH (Pripremanje krivičnog djela),
- 1 krivično djelo iz člana 222. KZ F BiH (Naseilje u porodici),
- 1 krivično djelo iz člana 183. KZ F BiH (Ugrožavanje sigurnosti),
- 2 krivična djela iz člana 251. stav KZ FBIH (Prevara u privrednom poslovanju),

- 116 krivičnih djela iz člana 373. KZ FBiH (Krivotvorenje isprave),
- 10 krivičnih djela iz člana 380. KZ FBiH (Primanje dara i drugih oblika koristi),
- 20 krivičnih djela iz člana iz člana 381. KZ FBiH (Davanje dar ili drugih oblika koristi),
- 2 krivična djela iz člana 382. KZ FBiH (Primanje nagrade ili drugog oblika koristi za trgovinu uticajem),
- 5 krivičnih djela iz člana 383. KZ FBiH (Zloupotreba položaja ili ovlaštenja),
- 1 krivično djelo iz člana 384. KZ FBiH (Pronevjera u službi),
- 7 krivičnih djela iz člana 389. KZ FBiH (Krivotvorenje službene isprave),
- 2 krivična djela iz člana 395. KZ FBiH (Računalna prevara).

Posebno treba naglasiti da je u kontinuitetu vršio nadzor i davao usmjerenja policijskim službenicima Odjeljenja za privredni kriminal prilikom nastavka preduzimanja mjera i radnji po akciji kodnog naziva "DAR 1", "ZADRUGA" i "ZADRUGA II" te "VOZAČKE DOZVOLE".

Dao je saglasnost za nastavljanje u provođenja akcije kodnog naziva "FENIKS", koju policijski službenici Uprave policije provode u saradnji sa službenicima Federalne uprave policije.

Akcentat rada, je takođe stavio i na borbu protiv zloupoteba opojnih droga, te u tom pravcu podsticao je i pratio zakonitost rada Odjeljenja za borbu protiv zloupotreba opojnih droga, koje je u izvještajnom periodu provelo 15 odvojenih operativnih akcija različitih kodnih naziva od kojih se posebno izdvaja njih 07 i to: BAKALAR, SVJETLO, KASPER II, DRINA, LANE, LABOS i DOMAĆICA, a sve u saradnji sa Općinskim sudom u Sarajevu, Kantonalnim tužilaštvom Kantona Sarajevo i drugim organizacionim jedinicama u Upravi policije MUP-a Kantona Sarajevo pri čemu su nadležnom tužilaštvu dostavljeno ukupno 38 izvještaja o izvršenim krivičnim djelima protiv 36 lica, od toga 13 lica po članu 238. (neovlaštena proizvodnja i stavljanje u promet opojnih droga), 23 lica po članu 239. (posjedovanje i omogućavanje uživanja opojnih droga), jedan izvještaj po članu 373. (krivotvorenje isprave) - KZ FBiH i 2 izvještaja po članu 74 ZONDINOM-a Kantona Sarajevo. Izvršen je pretres 44 lica kod kojih su pronađeni i oduzeti predmeti koji će služiti kao dokaz, te pretres 26 objekata sa pomoćnim objektima i pretres drugih predmeta za koje je od nadležnog suda izdata naredba za pretresanje.

Prilikom realizacije naprijed navedenih operativnih akcija pronađeno je i oduzeto:

- Jedna kompletna laboratorija za uzgoj i proizvodnju opojne droge marihuane sa potrebnom opremom, gdje tom prilikom pronađeno i oduzeto: - 93 komada stabljika i 1346 komada sjemenki biljne vrste *Canabis sativa* tipa "Indica", ukupne težine oko dvadeset kilograma sirove mase, oko 600 grama opojne droge marihuane (u rifuzi i u pvc paketićima namijenjeno uličnoj prodaji), ukupno oko 1800 grama opojne droge Amfetamin sulfat- Spid (u rifuzi i u pvc paketićima namijenjeno uličnoj prodaji), oko 35 grama opojne droge heroin, oko 2 grama opojne droge hašiš, oko 5 grama opojne droge kokain, oko 87 komada tableta opojne droge ekstazi, 23 ostala predmeta sa tragovima opojne droge, ukupno 8 komada pištolja, 1 puška, 1 bomba, ukupno 102 komada metaka različitog kalibra i ukupno 13 mobilnih telefona. Slobode je lišeno ukupno 16 lica, te su isti predati u nadležnost Kantonalnom tužilaštvu Kantona Sarajevo.

Poduzeo je sve potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, kao što je:

- osiguranje posjete Predsjednika Republike Tartastana, tokom njegovog boravka u Sarajevu, dana 13.04 i 14.04.2021 godine,
- osiguranje protesta pod nazivom “Ženski marš-borba za život”, održanih dana 17.04.2021 godine,
- osiguranje protesta sindikata metalaca, sindikat trgovine i sindikat rudara održanih dana 01.05.2021 godine,
- osiguranje posjete BiH ministra vanjskih poslova R.Turske Mevluta Cavasuoglua dana 04.05. i 05.05.2021 godine,
- osiguranje protesta sindikata radnika firme “Krivaja - Mobil”, održano dana 20.05.2021. godine,
- osiguranje protesta ispred Vijećnice, u organizaciji Udruženja Palestinske zajednice, održano dana 22.05.2021. godine,
- osiguranje protestne šetnje u organizaciji političkog subjekta “Platforma za progres”, održano dana 30.05.2021. godine,
- osiguranje fudbalske utakmice između reprezentacije BiH i Crne Gore, na stadionu “Grbavica”, održano dana 02.06.2021. godine,
- osiguranje protesta ispred Parlamenta BiH, u organizaciji turističke zajednice HNK, održano dana 08.06.2021. godine,
- osiguranje protesta Sindikata zdravstvenih radnika KS, koji su održani ispred Vlade Kantona Sarajevo dana 10.06.2021. godine
- osiguranje protestne šetnje u organizaciji Saveza samostalnih sindikata FBiH, održano dana 24.06.2021. godine

U izvještajnom periodu u kontinuitetu je koordinirao aktivnosti sa policijskim upravama, po pitanju izdatih rješenja od strane Federalne uprave za inspeksijske poslove i Kantonalne uprave za inspeksijske poslove, kao i koordinaciju aktivnosti prilikom pružanja asistencija – pomoći, te davanja saglasnost policijskim službenicima Uprave policije da Kantonalnoj upravi za inspeksijske poslove pružaju asistencije-pomoći pri inspeksijskim nadzorima na poštivanju higijensko-epidemiološkim mjera ugostiteljskih objekata, ali i kontroli javnog gradskog saobraćaja

Nadzirao je i kontrolisao provođenje aktivnosti predviđenih Kriznim planom pripravnosti Uprave policije broj 03/2-2997 od 06.07.2020. godine, kojim se, usljed pogoršane zdravstveno-epidemiološke situacije izazvane epidemijom virusa COVID 19, uspostavlja koordinirano i plansko djelovanje svih ljudskih i materijalno-tehničkih sredstava s ciljem stvaranja uslova za efikasnije provođenje higijensko-epidemioloških mjera, kao i mjera predostrožnosti.

U izvještajnom periodu 54 uposlenika MUP-a Kantona Sarajevo se nalazilo u izolaciji zbog kontakta sa zaraženom osobom ili su oboljeli od coronavirusa, dok je jedan namještenik Uprave policije u izvještajnom periodu preminuo od posljedica COVID – 19.

Kroz kontakte sa rukovodiocem Jedinice za profesionalne standarde, stvarao je uslove za nesmetan i nezavisan rad na provođenju unutrašnjih istraga.

U izvještajnom periodu okončano je 38 unutrašnjih istraga u okviru kojih je za jednog policijskog službenika utvrđen osnov sumnje da je počinio lakšu povredu službene dužnosti. Nakon uvida i detaljne analize izvještaja o sprovedenim unutrašnjim istragama, dao je saglasnost za izradu rješenja o sankcijama za lakše povrede službene dužnosti.

Koordinirajući i usmjeravajući rad mjesno i stvarno nadležnih organizacionih jedinica u Upravi policije, osiguravao je zakonit i profesionalan policijski odgovor na sve događaje koji mogu imati bilo kakve implikacije na sigurnost, te je, na taj način, davao doprinos poboljšanju sigurnosne situacije na području Kantona Sarajevo.

Postupao je po zahtjevima dostavljenim od strane Komisije za sigurnost Skupštine Kantona Sarajevo i Nezavisnog odbora i o tome izvještavao navedena tijela, a o značajnim događajima od posebnog interesa za sigurnost građana Kantona Sarajevo, na dnevnoj osnovi je izvještavao ministra.

Sve navedene aktivnosti provodio je s ciljem demokratizacije rada policije, zaštite ljudskih prava i sloboda građana koji žive, borave i kreću se na području Kantona Sarajeva i postizanja što većeg nivoa sigurnosti građana i posjetilaca Kantona Sarajevo.

Sarajevo, 30.06.2021. godine

PREDSJEDNIK NEZAVISNOG ODBORA

Miroslav Kružik, s.r